



COLEGIO ARUBANO

R.K SCHOOL VOOR CICLO BASICO,
CICLO AVANSA, V.W.O EN H.A.V.O.
VONDELLAAN 14
TEL. 5822005 / 5822684 / 5831373 / 5828930
FAX: 5832676, ARUBA
E-mail: info@colegioarubano.aw

Na e alumnonan di Colegio Arubano y
nan mayornan /cuidadonan

Oranjestad, 13 di december 2020

COLAUA: 2020/2021–105

Topico: Ciere di scol en coneccion di coronavirus

Apresiasiabel mayor/ cuidado, alumno,

Na prome luga mi ta spera cu boso tur ta bon di salud. Siman pasa diabierna, nos a manda ful un klas den cuarentena. Despues cu un alumno mester a bai den cuarentena preventivo a bin resulta cu dos otro alumno a test positivo pa Coronavirus.

Despues di deliberacion cu DVG/JGZ, a dicidi na e momento ey pa manda ful e klas cas, caminda e alumnonan mester keda dies dia den cuarentena preventivo obligatorio.

Ciere di scol riba 14 di december

Awe merdia nos a ricibi e noticia cu tin dos docente cu tambe a test positivo pa cu Coronavirus. Awe nan a haya e resultado cu nan ta positivo. Nos a tuma contacto mesora cu DVG/JGZ. Pa descarta tur peliger di contagio a palabra cu DVG/JGZ cu lo cera scol mayan 14 di december 2020 pa asina e edificacionan por haya un limpieza profundo y tambe wordo completamente desinfecta.

Lesnan online

Naturalmente nos no lo kier tuma ningun risico ora ta trata di e salud di tanto nos alumnonan como docentenan. Pa e motibo aki, hunto cu directiva di scol y Inspeccion di Enseñanza, a tuma e decision pa cera scol mayan dia 14 di december 2020. E lesnan lo sigui online, via Google Meet. E anochi pa mayornan di mayan lo sigui normal, mirando cu tur e limpieza a tuma luga caba. E examen nan cu tabata planea pa tuma luga mayan lo wordo posponi te cu otro aviso.

Demas desaroyonan

Nos lo mester keda pendiente y sigui e desaroyonan. Ta keda di suma importancia pa tur hende sigui mantene nan mes na e normanan di DVG/JGZ. Si bo tin algun sintoma, tuma contacto mesora cu bo dokter di cas y keda cas.

Pa finalisa, mester enfatisa cu tur e medidanan cu a wordo tuma ta pa prevencion y no tin motibo pa drenta panico. Naturalmente nos ta compronde cu e noticia aki ta fastioso. E desicion pa sera scol no ta algo cu ta wordo tuma a la lihera. E ta den e bienestar di nos tur. Nos ta spera di conta cu bo sosten. Tambe nos kier desea e persona nan cu na e momento aki a test positivo pa Coronavirus un pronto recuperacion.

Saludo cordial,
den nomber di rectorado,

A handwritten signature in blue ink, appearing to read 'T.R. Croes', with a horizontal line drawn through it.

T.R. Croes M Ed
Rector